


معلومة كتابية

3 ألقاب للسيد المسيح من العهد القديم

خدام مدرسة مار إفرام السرياني | 15 دقيقة قرابة

ألقاب مهمة قالها السيد المسيح أو اتقالت عنه، لها خلفية مهمة من العهد القديم: النبي، الآتي، ابن الإنسان.. تعالوا نعرف مرجعية الألقاب دي



ترتيب الصفحة

اليهود متوقعين مجيء المسيح من العهد القديم بمواصفات معينة (حسب النبوات) ... و أي يهودي بسيط مذكر النبوات دي و يقارنها بحياة و كلام السيد المسيح، لازم يؤمن أن يسوع هو المسيح

تعالوا نشوف بسرعة أهم 3 ألقاب اليهود فاهمين إنها تنطبق على المسيح فقط

النبي

لقب (النبي) اللي قال عنه موسى



الآتي

لقب (الآتي) اللي قال عنه إشعيا



ابن الإنسان

لقب (ابن الغنسان) اللي قال عنه دانيال



3 ألقاب للسيد المسيح من العهد القديم

النبي

أقيم **لهم نبيا من وسط إخوتهم مثلك**، وأجعل كلامي في فمه، فيكلمهم بكل ما أوصيته به. ويكون أن الإنسان الذي لا يسمع لكلامي الذي **يتكلم به باسمي** أنا أطلبه

— تثنية 18: 18 و 19

- موسى كشفيق للبشرية طلب من ربنا إنه يبجي ... و ربنا قال له كده
- اليهود واخدين وعد و منتظرين **موسى جديد بكرامة أعظم**
- موسى = عهد + ذبيحة + شريعة + أرض
في **رسالة العبرانيين**، القديس بولس وضع المقارنة دي بين موسى (وكيل البيت) و ربنا يسوع (صاحب البيت)

موسى و ربنا يسوع

ربنا يسوع

موسى

الموضوع

الموضوع	موسى	ربنا يسوع
العهد	العهد القديم	العهد الجديد اللي فيه الروح القدس
الذبيحة	ذبيحة حيوانية	الإفخارستيا (جسد و دم ربنا يسوع)
الشريعة	الناموس	شريعة الكمال المسيحي
الأرض	أورشليم الأرضية	أورشليم السماوية (الملكوت)

• ربنا يسوع حياته كانت شبه موسى في حاجات كثير:

- قرار الإعدام و هو صغير
- المن (موسى) و تناول (ربنا يسوع)
- الفصح وعبور البحر (موسى) و العمودية و الصليب (ربنا يسوع)

طبعاً ربنا يسوع كإنسان كان نبي بيكلم الناس بكلام ربنا (زي ما كان نجار, ناصري ...) ... لكنه مش نبي عادي بل الله الظاهر في الجسد اللي بيخلق و يكمل الشريعة و يقول إنه هو الله لأنه كلمة الله

الآتي

هوذا السيد الرب بقوة يأتي وذرعه تحكم له

— إشعياء 40 : 10

• **يوحنا المعمدان** آخر سؤال أرسل تلاميذه يسألوه لربنا يسوع:

فدعا يوحنا اثنين من تلاميذه، وأرسل إلى يسوع قائلاً: «أنت هو الآتي أم ننتظر آخر؟»

— لوقا 7 : 19

و ربنا يسوع ردّ بالمعجزات اللي في إشعياء 40

• بعد معجزة **إشباع الجموع** , قالت الجموع

هذا هو بالحقيقة النبي الآتي إلى العالم!

— يوحنا 6 : 14

• و **مرثا** قالت له

«نعم يا سيد. أنا قد آمنت أنك المسيح ابن الله، الآتي إلى العالم»

— يوحنا 11 : 27

• و الجموع يوم **حد السعف** قالوا

أوصنا! مبارك الآتي باسم الرب!

— يوحنا 12 : 13

اللقب ده إحنا بنقوله في مقدمة الإنجيل في كل قداس

ابن الإنسان

كنت أرى في رؤى الليل وإذا مع سحب السماء مثل ابن إنسان أتى وجاء إلى القديم الأيام،
فقربوه قدامه. فأعطي سلطاناً ومجداً وملكوتاً لتتعبد له كل الشعوب والأمم والألسنة.
سلطانه سلطان أبدي ما لن يزول، وملكوته ما لا ينقرض

— دانيال 7 : 13 و 14

واللقب ده قاله السيد المسيح عن نفسه كثير بنفس معنى دانيال 7 (الدينونة)

فعلاً زي ما الكنيسة بتعلمنا: أنبياء و أبرار كثيرين اشتهاوا أن يرون ما أنتم ترون ... ربنا يسوع
وسطنا و نتناوله و يعطينا أورشليم السماوية



المراجع

- وعظة يسوع المسيح له المجد من الخلفية اليهودية - أبونا داود لمعي